

Karnival Kompang tarik minat pelajar terhadap alatan muzik tradisional

KOTA KINABALU: Dalam usaha menarik minat mahasiswa terhadap peralatan muzik tradisional, Kolej Kediaman E, Universiti Malaysia Sabah (UMS) telah mengadakan Karnival Kompang, di sini baru-baru ini.

Pengarah program Ansar Suaib berkata, karnival yang bertemakan 'Mewarisi Paluan Tradisi' itu bukan hanya ingin mendedahkan pelajar kepada alatan muzik tradisional tetapi juga untuk mengeratkan silaturahim dalam kalangan pelajar.

Katanya, melalui karnival seperti itu, ia dapat dijadikan medium mengetengahkan perkongsian ilmu dan kreativiti mengenai kesenian dan kebudayaan antara mahasiswa dan masyarakat luar.

Ia seiring dengan saranan Timbalan Naib Canselor Hal Ehwal Pelajar dan Alumni UMS Prof Madya Dr Ismail Ali yang menggalakkan penglibatan mahasiswa dalam bidang kesenian dan kebudayaan.

Pengetua Kolej Kediaman



ANTARA pelajar yang menghadiri bengkel kompang.

E, Dr Andika Aziz Hussin ketika merasmikan karnival itu berkata, karnival sebegini dilihat mampu memupuk semangat kesenian dalam kalangan mahasiswa. Adalah diharapkan penganjuran program bermanfaat seperti itu akan terus dianjurkan

dalam melahirkan mahasiswa yang sihat dan berkeaktiviti.

Melalui karnival itu, pelajar juga berpeluang mempelajari dan mencipta idea baharu serta mengasah bakat berkaitan kompang melalui bengkel kompang yang dianjurkan.

Karnival kompang itu disertai sebanyak enam kumpulan termasuk sebuah kumpulan daripada luar kampus.

Pertandingan kompang itu dimenangi oleh Persatuan Kompang Al-Qahar Kampung Rugading sementara johan kategori band kreatif dimenangi oleh Kelab Akustik.

Turut hadir memeriahkan penutupan karnival itu adalah Timbalan Pengetua Kolej Kediaman E Mat Usup Rashid serta barisan feo dan Jawatankuasa Kebajikan Mahasiswa (Jakmas) Kolej Kediaman E.

ANTARA peserta yang mengambil bahagian dalam pertandingan kompang anjuran Kolej Kediaman E.

